



Al oreve puartâ la Rai sul telefonut chel politic panzon cu la muse plene di bielecis; e la sô amie bionde, che e comandave il ministeri di no sai ce, e veve il desideri di traghetâ dute la int tal 2.0.

Ma lôr no vevin fat i conts cuntune tremende tampieste solâr e cul bloc dai imprescj eletromagnetics di dut il mont civilizât. Si imagjinaiso i avions che a colavin? I computers di dut il mont in tilt... i frigorifars vuasts, la Mercedes di Hamilton che e leve fûr strade a Abu Dhabi par colpe de eletroniche vignude a mancjâ intune curve... i siorats blocâts su lis teleferichis a Sant Moritz, la portaerei USS Reagan isolade tal mieç dal mâr ocean a larc di Diego Garcia... e dut a cause di un impuls... di une robe vignude dal soreli...

Ma Mahmoud Ben Ali nol veve di chei problemis. Partît di Timbuctù cul so fidêl dromedari plen di vivars e di aghe... al podeve afrontâ il desert... al veve ancje des trapulis e al varès podût caturâ cualchi pantianute di chês cu lis çatis daûr lungjis. Sì, Mahmoud nol veve vût casins par vie di chel impuls... lui si sbateve lis balotis.

**di Checo Tam**